



Samoa National Provident Fund

PLEASE ADDRESS ALL CORRESPONDENCES TO "THE CHIEF EXECUTIVE OFFICER"
P.O. BOX 2010, APIA, SAMOA, TELEPHONE: 21241 or 64800, SAVAILI: 51321, VAITELE: 288
FACSIMILE NO.: (685)20888 Email: info@samoa.ws / Website: www.npf.ws

PEPA O FAAMATALAGA

SNPF FAAMAMAAVEGA FAAPITOA – KOVITI 19

I tualumaga o le Palemene i le taeao nei Aso 7 Aperila 2020, i lana Tala Fa'aopoopo Numera 2 Fa'atautu o le Tupe 2019/2020, lea na fofogaina e le Afioga I le Minisita o Tupe, le Afioga Sili Epa Tuioti, le aotelega o le fesoasoani a le Malo, sa aofia ai ma le vaega e patino i le Fa'aputuga Tupe o le Lumanai Manuia o Tagata Samoa e faapea:

1. Tasi le masina e toe fa'afoi atu ai tupe na totogi mai i Nonogatupe Laiti

E aofia uma ai le au fai saofaga o loo I ai a latou nonogatupe laiti, ma nonogatupe faa-vaitaimi. E tuuina atu i lau filifiliga e toe faafoi atu ai lau tupe na totogi mai I le Masina o Mati 2020. O le aofaiga atoa o leni fesoasoani e tusa ma le \$5.5 miliona tala.

A fai e te fia maua leni faamamaavega, faamolemole faatumu ma saina mai le form "**COVID-19 Refund Consent**" ma tuuina mai faatasi ma sou ID aloaia i le e-meli refund@npf.ws

PO O LE tuuina mai o le form ma faamaumauga uma i se teutusi ma tuu mai i pusa faapitua ua saunia e le ofisa i le Fogafale 1 o le tatou ofisa autu i Apia, ia poo ofisa a le NPF i Vaitele ma Salelologa.

E mafai ona maua le form o lo o taua i luga i le tuatusi leni i le upega tafailagi www.npf.ws/memberforms

2. E ono masina e faapafala ai Saofaga totogi mo Pisinisi Tumaoti, e patino auaunaga i vaega o Faletalimalo, ma tagata tafafao-maimoa mai fafo, ma faleaiga.

O le a faapafala tupe totogi o saofaga a Pisinisi Tumaoti e patino auaunaga i vaega o Faletalimalo, ma tagata tafafao-maimoa mai fafo, ma faleaiga mo le ono (6) masina, mai le Masina o Ianuari 2020 se ia oo atu ia Iuni 2020, se ia fatoa amata toe totogi mai i le Masina o Iulai 2020. O le aofaiga o leni fesoasoani e \$2.6 miliona tala.

3. Lua masina e le totogiina ai le fa'aogaina o vaega o fale a le NPF.

E aofia uma ai vaega uma o le ofisa Autu NPF, Plaza, ACE, ma isi uma vaega o loo lisi ina atu e le NPF i pisinisi tumaoti. O le a fa'aogaina e aunoa ma se totogi mo le lua (2) masina. O le aofaiga atoa o lenei fesoasoani e \$604,000.00

4. E 20% o saofaga mama o le a mafai ona tuuina atu mo le au fai saofaga ua fa'amutaina a latou galuega ona o le faaletonu o nisi o falefaigaluega talu ai le aafia o tamaoaiga o le lalolagi ona o le Koviti-19

O aiaiga o lenei faamamaavega e faapea:

- a) O le a soloiesea uma nonogatupe laiti mai le saofaga
- b) Tala i tua le 20% o le saofaga mama, e le sili atu lona tauaofai i le \$4000 tala
- c) E iai isi aiaiga faapitoa mo le agavaa i lea faamamaavega o le a silasila totoa iai le afaigaluega.

A fai ua faamalolo tumau se faisaofaga mai lana galuega ona o le aafia o le falefaigaluega i le faaletonu o le tamaoaiga o le lalolagi talu ai le Koviti-19, faamolemole faatumu mai loa le form **"COVID-19 20% WD Consent"** ma tuuina mai faatasi ma isi faamaumauga o loo moomia e pei ona faailoa atu i le form o loo taua i luga. Tuuina mai i le Vaega o le Members a le NPF i le fogafale 4 o le ofisa autu i Apia ia poo le tatou ofisa i Salelologa.

E mafai ona maua le form o loo taua i luga i le tuatusi leni i le upega tafailagi www.npf.ws/memberforms

Mo nisi faamatalaga e patino i le faamamaavega leni, faamolemole e-meli le tuatusi withdraw@npf.ws

5. O le a totogiina atu i le au fai penisione uma o le Atunuu ua resitalaina i le Penisione o Tagata Matutua a Samoa le \$300 a le tagata e ese mai i le penisione masani o loo totogiina atu i masina uma.

O le faamoemoe ia faamatuu atu lea fesoasoani ae le i maea le masina o Aperila 2020.

Ua sauni le NPF tatou te galulue faatasi e vave ona faasafua atu nei faamamaavega mo le manuia lautele o si o tatou atunuu ma o tatou tagata a o tatou nofo-tatalo mo le faaolataga o loo faatali mai i tua atu o leni mala e tusa ai ma le Alofa Tunoa o loo tatou Alii o Iesu Keriso.

Faafetai

OFISA SILI O PULEGA